



Châng thlan: *1 Korin 4:1, 2.*

Zirlâite tân:

Hriat tûr: Kristian enkawltu nihna ziarângte chu an hria ang.

Vei tûr: Chûng ziarângte chu anmahni mi mal nuna hmehbel a pawimawhzia an hrethiam ang.

Tih tûr: Hêng chhinchhiahnate hi nî tina an ke pênna kawngah seng lût thei tûra rahbi awmze nei an rah theih nân rilrû an siam fel ang.

THUPI TËHEN:

I. Hriat tûr: Enkawltu hriat theihna tûr chhinchhiahnate chu hriain

- A. Rinawmna laimu tak chu eng nge ni?
- B. Dikna laimu tak chu eng nge ni?
- C. Thuâwih leh rintlâk nih pawimawhna chu eng nge ni?

II. Vei tûr: Enkawltu dik tak nihna nun chu chang vên

- A. Eng tin nge enkawltu nihna dik tak hi keimahni nun theuhah leh kohhran huang chhûngah kan lan chhuahtîr theih ang?
- B. Eng tin nge kum lama la naupang deuh zâwk, Pathian tâna enkawltu nih châk tak takte hi puitling tûrin kan châwm len theih ang?

III. Tih tûr: Enkawltu nihna lan chhuahtîr theihna tûr boruak siamin

- A. Eng tin nge enkawltu nihna hi a la chang vê ngâi lote tâna chan vê châkawm tak tûrin kan siam theih ang?

B. Eng tin nge enkawltu nihna dân puite hi Chiang leh fiah takin kan târlan theih ang?

C. Eng tin nge enkawltu nihna dik takin thlarau lama hlâwkna min pêk theihte chu kan târlan theih ang?

KHÂIKHÂWMNA: Kah fuh tûr an târ (target)-in thal kâp mi chu a tih tûr tak (goal) a kawhhmuh ang chiah hian, tûn kâra kan zirlâi pawh hian enkawltu nih tum tak takte tûn tih tûr a kawhhmuh a. Hêng enkawltu nihna chhinchhiahna hrang hrangte hian—nuna seng luh a nih hunah—thil tum, hlawhtlinna, awmzia leh neitu nihna min neihfûr ang.

INZIRTÎR DÂN TÛR

RAHBI 1-NA—Chawk phûr rawh

Bible châng thlûr bing tûr: *1 Korin 4:1, 2.*

Thlarau thanna atâna thu pawimawh: *Rinawmna hi Pathianin a phût chu a ni a. Chumi tel lo chuan mihringte zînga tû mah hian thlamuana kumhlun an nei thei lo va, thlarau lama hlawhtlinna pawh an chang thei lo a ni.*

ZIRTÎRTÛTE PUÂL: Infiamna, intihsiakna (athletic) chi hrang hrangahte hian hlawhtlinna chang thei tûr chuan nâl taka lo tih chhin hmasak phawt thîn a ngâi zêl a. Chutianga kan tih chhin kan tih chhin hnû chuan kan lo thiam nâl ngê ngê thîn. Thênkhat chu kan pianphung leh pianpui thiamna nêna a inrem êm avângin a zeizia kan man nghâl mai a, thênkhat erawh chu a inrem lêm loh avângin nasa taka kan beih fê hnû-ah kan thiam chauh thung a. Chutianga harsa taka kan zir chhuahte pawh chu kan thiam nâl hnû chuan kan pianpui vê rêng emaw tih mai tûr khawpin kan lo zei vê thîn.

Dana fapate chu kut dang lam hmang thiam an ni a. Mahse basketball an khelh tan tih hian an kut vei lam chu ding lam an hman thiam ang bawka an hman thiam vê theih nân an taksa chu an *train* a. Kut vei lama ball an ben sawh thîn mai bâkah, kut vei lamin thil an ei a, vei lamin thil an ziak a. Chutianga nasa taka tan an lâk hnû chuan kut ding lam leh vei lam chu inang renga hman kawp an lo thiam ta ngê ngê a. Chutiang chiah chuan,

enkawltu dik tak nihna ziarâng chu kan la nei lo rih hlê niin a lang pawh a ni maithei e, tûnah mai chuan neih mai theih ni pawhin a lang lo maithei bawk; mahse tih tak zeta kan bei a nih phawt chuan kan pianpui vê rêng emaw tih tûr a lo ni mai dâwn a ni.

A sawi hawwna atân: I class member-ten an hriat tlân eng hnâ emaw ber kha thlang chhuak la. Chutiang hnâ chu hlawhtling taka thawk thei tûra miin a mamawh thiamna leh ziate chu ziak chhuak ang che u. Chutiang thilte chu eng vânga tûl leh tângkâi nge a nih tihte zâwt la. Chutiang thil tûl leh miziate chu nei lo ta se, eng thil nge lo thleng ang tih sawi ho ang che u. Tichuan, thlarau lam thilah kâi lût tawh ula: kan zirlâi bû-in a sawite bâkah hian, Kristian enkawltu nihna atâna ziarâng leh thil tûl dang awmte sawi ula. Hêng ziarângte hi eng vânga neih tûl nge a nih a, eng tiangin nge enkawltu hna thawhna kawnga hlawhtlin tûrin mi a puih? Chûng ziarângte chu nei ta lo ila, eng tin nge enkawltu hnâ hian a t̄huanawp phah ang le?

RAHBI 2-NA—Zawng chhuak rawh

ZIRTIRTÛTE PUÂL: Tûn kâr zirlâi hian Kristian enkawltu ziarâng pawimawh t̄henkhatte chu a thliar hrang a. Hêngte lo pawh hi thil dang belh theih a la awm ngei ang tih a chiang; nimahsela kan sawi chinte pawh hian enkawltu hlawhtling tak ni tûra thil pawimawhte chu hre thei tûrin min pui tho a ni.

ZIR ZÂUNA

I. Rinawmnana (*1 Korin 4:1, 2; Hebrai 11:8–1; 17–19; Thupuan 2:10; Matthaia 6:24; 1 Chronicles 28:9*).

Paula chuan, “Hetah hian enkawltu chu mi rinawm nih a ngâi bawk a ni. Nimahsela nangni’n mi fiahna leh mihring ngaihtuahna-in mi fiahna chu ka tân thil te tak t̄e a ni; mahni pawh ka infiah ngâi hek lo” (*1 Kor. 4:2, 3*) tiin a sawi a. Rinawmna hi teh tûr a

nih ngâi chuan Pathian ngaiha rinawm chu eng nge tih hi kan en ber tûr a ni ang. Thil ti sual thei mihring, mîte pawm hlawh duh tak takte hi chuan he thu dik hi kan hmu ðhelh fo va, kohhran te, kan ðhian te, kan hnathawhpui te, kan chhûng leh khatte tihlâwm kan tum bawk ðhîn.

Paulan rinawmna a sawi chu mîte laka tlangtlâkna nênzawmna pakhat mah nei lo a ni a. Pathianin ti tûra min tukte laka rinawm pumhlûm ðhakna niin—chumi âia tlêm emaw, tam emaw, bâk leh piah lam eng mah a awm lo. Mipui rawng leh kan Pathian rawng hi rinawm taka bâwl kawp a theih loh dân chu Pathian leh sum rawng kan bâwl kawp thei lo ang tho kha a ni. Kan mitte hi khawvêl thil hlûte hian a la pêng dâwn a nih chuan Pathianin min kaihrui a tum dân hi kan hre ðhelh tihna a ni ang. Khawvêl tehna chu awlsam takin kan paltlang a ni thei e; mahse Pathian tehnaah erawh kan tla Chiang hlê thei tlat. Pathian tehna chuan rilru phîr a pawm vê lo. Davida chuan hetiang hian a fapa a hrilh a: “Nang ka fapa Solomon, i pa Pathian hi hria la, thinlung ðha famkim leh rilru phîr takin a rawng bâwl ang che; LALPA chuan thinlung a en ðhîn a, rilru suangtuahna zawng zawngte hi a hre vek a ni” (*1 Chron. 28:9*) tiin.

Hetianga rilru phîr neih loh kawngah hian Anania leh Safiri-te nupa kha an hlawhchham Chiang hlê. An thinlungah Pathian hna thawh duhna chu an nei vê ngei a ni tih hi kan hriatsak lo fo ðhîn a—eng ti kawng zâwng maha Pathian hna thawh tum rêng rêng lo Kristian tam takte âi hi chuan an la ðha zâwk tho tho âwm e. Pathian hna thawh nân thilpêk ðhahnem tham tak chu an pe vê tho va; amaherawhchu, pêk an intiam zât an pe lo kha a paw ta a ni. An rinawmna kha a sakhat lo va, anmahni tân leh Pathian tân an lo ðhen hrang a. Pathian chu chan ðha ber an chantîr vê tho tak nân, anmahni mamawhte pawh kha an lo dah lian vê deuh bawk niin a lang. Hetiang rinawmna phîr hi chu Pathian tân pawm theih a ni lo. *Matthaia 19*-a tlangvâl hausa pawh khân he thu hi harsa takin a zir chhuak a. Thuâwihna rilru

leh beisei eng mah nei lova Pathian hnêna inhlan pumhlûm thakna hi Kristan kan laka a phût chu a ni.

Ngaihtuah teh: Anania leh Safiri-te nupa chanchin lungchhiat thlâk tak aţang leh, tlangvâl hausa chanchin aţang hian kan rinawmna chu a phîr lo a ni tih a chian nân eng invênate nge kan hman ang le?

II. Dikna (*Hebrai 9:14; 10:19–22; 1 Timothea 4:1, 2; Rome 2:14, 15; Sâm 40:7, 8*).

Chhia leh tha hriatna thiang tak neih hi thil pakhatin a nghawng chhuah a ni a: chumi chu dikna a ni. Dikna chu famkimna leh rintlâk nihna a ni a. Rinawmna phîr ni lo, eng mahin a pawlh dal loh nihna a ni pawh kan ti thei ang chu. Dikna nei lo chuan chhia leh tha hriatna thiang tak a nei theih loh hrim hrim bawk. Sâp tawnga chhia leh tha hriatna tih an sawina thumal, “conscience” tih pawh hi Grik thumal, *syneidesis* tih aţanga lo kal a ni a, chu chu “nên” tih an sawina, *syn* leh “hria” tih an sawina, *oida* kaih kawp a ni. Khawvêl hnêna kan nihna kan intâr chhuah dân leh, keimahni nihna dik tak chu a inang lo a nih chuan, rilru lamah buaina kan tâwk thei a, kan taksa awm dânah pawh a rawn lang chhuak hial thei. Mahni nihna dik tak anga Pathian hmâa lang ngamte hi mi nihlawh an ni.

Ngaihtuah teh: Eng tiangin nge sawisêl theih tûra mahni lo inhawn hian keimahni dikna a tihlan zâwk thin le?

III. Thuâwihna leh rintlâk nihna (*1 Johana 5:2; Rom 1:5; 10:16, 17; Luka 16:10–12; 1 Chronicles 9:26, 27*).

Mi tu emaw kan ring a ni tih a lan chianna ber chu an thu kan âwihna hi a ni âwm e. Hetianga mi kan rinna leh an thu kan âwihna hi inzawm tlat a nih tih a hriatthiam avângin, hetiang hian J.H. Sammis-a chuan “Trust and Obey” (“LALPA Nêl Lêng Zâin”) tih hla hi a lo phuah rêng a ni. Thuâwihna, mi tu emaw-in

ti tûra min hrilh ang tih hi thunei nia kan pawm mi tu emaw nêna kan inlaichîna leh inrin tawnaa inngat a ni a. Ni e, kan mi rin zâwng ni lêm lote thû pawh kan âwih a tûl châng a awm vê tho ngei a lâwm. Mahse chutiang chu hlauhna avânga âwih kan ni thung. Mi tu emaw chu mi firfiakten hrêng ta se, amah hrêngtûte chu a hlauh êm avângin an thu a zâwm mai ang. Hetiang thuâwihna hi chu in neitu leh enkawltu inkâra inlaichîna awm ang hi a ni vê lo. Tûna kan sawi inrin tawna hi chu hun rei tak chhûnga inlaichîna lo nghet chho zêlin a hrin chhuah a ni.

Billy Graham-a crusade-naa zâi t̄hîn, George Beverly Shea a chuan, “The Longer I Serve Him, the sweeter He grows” (“A rawng ka bâwl rei poh leh a mâwina a zual zêl mai”) tih hla a sâ a. Kan nî tin mamawh Pathianin min pêk t̄hin te, kan tlanna man tozia nî tina kan ngaihtuah t̄hin te, kan tawngt̄aina chhâna awm t̄hin te, thil siam mawizia ngaihtuah nâna hun kan hman t̄hinte hian chu inlaichîna chu a siamin a tinghet zual sauh t̄hin a ni.

Pathian nungchang leh mizia chu chiang zâwka kan han hmuh hian amah rin leh a thu zawm a lo awlsam sawt t̄hîn. Amaherawhchu, inlaichîna hi mi pakhat chauh mawhphurhna a ni thei bîk lo va. Enkawltu t̄ha takte chuan Pathian rin an zir hmasa phawt a, chutih rual chuan Pathian pawhin anmahni a rin lêt vê theih nân an nun an insiam rem vê ngei tûr a ni bawk. Hetianga intiamna hi a rintlâk êm em a ni. Mahse hei pawh hi wavi leh khata lo thleng thut ni lovin, hun eng emaw ti chhûnga lo insiam chho zêl a ni zâwk a. Pathian chuan thil ho tham tê tê-ah min fiah phawt a, chutia inlaichîna a lo t̄han chhoh zêl hnû chuan mawhphurhna lian zâwk min pe leh ta t̄hîn a ni.

Ngaihtuah teh: Eng tiangin nge mi tu emaw chung a rinna nghahna leh rin ngamna ni a inlaichîn tawn le?

RAHBI 3-NA—A taka nunpui tûr

ZIRTÏRTÛTE PUÂL: Enkawltu nihna chhinchhiahna langsâr ber chu a neitu nêna inlaichîna hi a ni a. Chû inlaichîna chu inlaichîna t̄ha famkim ni kher lo pawh ni se, eng emaw chen chu a awm

ngei tûr a ni tho. Tûn kêr zirlâi hi keimahni nunah kan lo seng lût hlawm a nih chuan, nunin a pêk theih thlamuanna ropui ber leh lungâwina famkim chu kan chang ngei ang.

Ngaihtuah zui tûr/a taka nunpui tûr zawhnate:

- ❶ Pathiana rinna nghat leh zual thei tûrin eng thilte nge kan tih thîn ang?
- ❷ Pathianin kan chung a rinna a nghah ngam leh zual theihna tûrin eng thilte nge kan thlâk danglam ngâi awm?
- ❸ A chung a mi pahnihte hi a lo awm thlen theih nân kohhran hian eng ruahmannate nge a siam ang?

RAHBI 4-_{NA}—Boruak siam rawh

ZIRTÎRTÛTE PUÂL: ‘Hun kal tawha Pathianin min lo hruai tawh dân leh min lo zirtîr tawh dânte kha kan theihngihl palh ang tih bâk thil dang engmah kan hmalam hun atân hlauh tûr kan nei lo’ niin kan sawi thîn a. Thuâwihna chu mi tu emaw kan rin ngamnaah a innghat a; mi kan rin ngamna pawh chu inlaichînnaah a innghat bawkw tih kan hre tawh a. Chuvâng chuan Pathianin mi mal taka mi a lo hruai tawh dân kha rilrua hre reng chungin mi kan rin ngamna leh an thu kan âwihna inkûngkaih dân en nawn leh rawh u.

Tih tûr: I class member-te kha Pathianin a lo hruai tawh dân leh a lo zirtîr tawh dânte sawitîr hlawm la, chu chuan eng tiangin nge amah rin ngamna a neihtih dân sawi lang theuh bawkw rawh se. Chû chuan eng tin nge amâ thu âwih tûrin a tihphûr tih i zâwt zêl bawkw dân nia.